

僑吳集卷之三

遂昌鄭元祐明德著

長短句體

汝陽張御史死節歌

張御史罵賊死國忠臣家孝子忠孝國家培植來白日



照耀黃金臺此身許國誓不二不信白骨生青苔近者
汝陽妖賊起揮刀殺人丹汝水侯指頭上獬豸冠撐柱
乾坤立人紀侯頸可斷身可捐義不與賊同戴天皆裂
齒碎加憤怒髮直上指目炯然賊刀入口鉤侯舌：斷
含糊罵不絕孤忠既足明丹心三年猶須化碧血顏平
原張睢陽一日雖短千載長人誰不死：忠義汗簡至

今名字香朝廷易名賜廟食人誰無心應感激坐令忠
義銷元邪鑿井畊田歌帝力

沈孝孫孝感行為謝醫沈日新

吳東門葑泥千頃曾無根舟行滉漾渺無際天水日夜
相吐吞太平日久人烟聚落散布洲渚上繩擗網罟往
往成人村沈仲說父奉其高年之祖母避喧却掃於此
安晨昏說也不惟文行一如李令伯零丁孤苦形影相
依惟此祖與孫祖母今年九十歲十年三蒙賜帛恩孫
扶母出拜君命能無芳鮮列酒樽阿嬭喜惟一為孫
加淡齋便出泄瀉腑臟如雷奔耄齡久衰元氣薄數日

不復欣盤飧說憂形於色苦形於言東吳世醫沈君日
新父與沈世契如水有委則有源新至切母脉察世虛
實寒與溫謂非藥可療精藥曾經膈水浸中有穀氣可
以回脾元作糜飲母病良愈說也樂甚再拜謝新難具
論嗟哉說與新時之人孝如說藝如新皆可敦薄俗厚
彝倫只今聖王敷五教舉逸民一朝徵車轟動龍伯國
陳情有表應更語諄：新也上醫國固有道說也孝感
可以假上帝通明神是謂同姓不減骨肉親二子孝與
藝流布千秋春

虛靖天師大道歌

千峯秀攢龍虎山學仙之人住其間時乘飛馭下人寰
主掌符籙尸神姦虛靖繼出千載後道風契天高莫攀
如網有網樞有環足以立懦而廉頑豈徒風霆走稟命
政使仙聖皆承顏大道甚夷民自艱大道甚徑民自孱
天師興歌一哀唱只在身中無往還吁此血肉塊成壞
等草管氣歸元海便無極箭射虛空真等閒無何虞趙
二公辨方始無乃又聖皆迷所見才一班

碧海謠贈洪尊師

我逢碧海之仙人為賦碧海之仙謠霞光棲觀不在東
瀛大海外煌：紫芝一年三秀近在計籌之山椒山椒

真人號南谷乘雲累侍通明朝其言皇帝王霸若指掌
聖心傾貯如以水沃焦白雲那知紫極貴歸休林壑殊
逍遙草衣木食甘應世土堦茅茨或夢堯坐致公卿貴
人北面拜稽首真人眼空四海瞪沈寥於時大弟子獨
稱薛與姚洪君之家在天目百年喬木風霜凋時從真
人門道巖谷裡暑時日爍石寒時雪齋腰道成真人駕
鶴去山頭每：聞吹簫於今三十載海遠天迢：先輩
儀刑漸淪落何以使我鄙吝消騎牛青林躬耕苦日短
釣鰲碧海欲往嗟路遙別來幾度水清淺相逢鬢髮俱
飄蕭吳王城中唱欲斃擬度碧海心旌搖便欲乘槎共

君去問君登真之要訣分君不死之藥苗萬一天風引
舟便勞君遠舉雲旗招

送本善副使任古杭宣監 盖官僧之官也

昔者雪山大沙門道如日月行乾坤屬法王臣俾外護
言雖已遠如生存爰自西來東震旦護法孰如我皇元
統以內外宣政院官僚皆選宰輔尊公為院副秩二品
橫金厭冷腰犀温大江之南地萬里僧之賢愚難具論
公以憲監暫居此摩尼珠照濁水源我知公繼相業大
召登廟堂扣天閣太平勲業可坐致豈但安禪闡教報
佛恩異時丹青畫麟閣知是忠武魯公賢相之諸孫

感策吟次趙季文韻贈老伶杜寬

吳王故宮天早秋誰吹感策城南樓一吹風生鷓鴣裘
再次何人敢伊優曲終引氣如刀鏝龍笛鳳笙皆不侔
五音歎薄一吸收玉閑淚落定遠侯不獨壯士皆回頭
杜伶何來自中州目眈每射車前牛不以伎業寒颼
妙吹感策冠名流嚼宮噴微無時休巧如春鷲轉曉簧
舌抽歛如飢鷓嘯樹呼高颼慘如國殤舉燐精靈夜相
求劃如鷓鴣挾雨歸吟百丈湫緯髮與鬢婦聽終各自
愁為問竹枝蘆葉若為寫出秦青詎四生皆感歎何如
謝安石素抱蒼生憂且復彈絲弄竹少為東山留我願

謝公上廊廟任臣隣掌調燮錙琳球一鳴簫韻下威鳳
和樂雖：聞九丘母但謠鬻策妙語高浮：功成拂衣
滄海上仙人並轡駟螭蚪却憐江潭憔悴者悲世迫隘
賦遠遊

李早馬圖

外甥似舅明昌帝取法宣和尚工伎李早畫馬供奉時
畫院森：嚴品第冀之北土馬所生早也想見房星精
遂令龍媒出豪素側眉注目凝嘶鳴紈扇畫三騎即君
峭鞍轡窄衫繡褙四帶巾靴尖曾踢中州碎紫絨軍敗
初連山金鈿玉軸仍南還好事空餘扇頭馬至今拂拭

塵埃間

金章宗御書

離鸞曲為貞婦徐夫人作

鸞孤飛鳳不歸百年雖遠情依：請彈離鸞曲祇愁聽
者哭夫死南征兒尚乳對鏡離鸞淚如雨大名城裏干
家杵不歌不相私相語為問發之哭月上斗橫屋兒啼
欲乳夢夫歸金創在骨血滿衣夫婦忠貞兩不遺匹如
鸞鳳參差飛母云青天遠千古令人覽德輝

題桐華烟卷

桐始華桐花開向荆溪之水涯溪聲長遠孝侯廟桐陰
畫覆吳生家吳生家藏燒墨法傳自李潘父益嘉瓦溝

熟膏火蘊地穗結葩日掃桐花之烟三萬石鬼物守護
無疵瑕千杆萬杆白兔白麋鹿搗膠無夜晝製成龍香
古圭璧玉剛金精石同壽奚老然松：化石潘癡坐井
井裂甃二子却掃桐花烟生也與之誰後先墨成飛上
通明殿紅雲一朵捧宮規試之漆黑勞磨研吳生姓名
等潘李肯讓諸蒲先着鞭

贈薛相士

君不見會稽楊廉夫醉吹鐵笛聲鳴：又不見虎林張
伯雨靈石溪邊待輕舉二子道異出處殊長歌短吟意
則俱薛生相人兩眼耀流電二子喜之皆贈以所製之
詩書詩如子闡瑀玉裝劍璣書似昆吾寶刀切琳腴生
矜袖中有明月出以照我白髭鬚我鬚日加白我面歲
增黑筆硯慚久蕪江湖厭為客生工鑑人知我者虞翻
骨屯由命也况癡家貧四壁立誰為老韓念東野生見
張楊頰寄聲老來何處堪耕^歸珠藏深淵劍在匣夜：歸
空谷騰光晶

贈翰古清

虞公借榻宗鏡堂四衆鄉仰不暫忘古清上人獨見取
贈以金薤之琳琅公時目眚視質：文成欲寫難成行
殞星着紙廢屬讀風襟露帶斜低昂中言上人善幻化

神龍千丈一鉢藏蜿蜒委蛇各有態擘雲掣電金蛇光
海濤翻山霹靂碎怒捲河漢如壺漿世人蒿目不敢覩
師獨摩撫如馴羊神膏點鱗翠鬣舞金篦刮瘻星芒張
珊瑚千樹宮室祕獻以耆婆未覩之藥方師哀其誠為
摹寫風旗雷車雨脚霧點晴未了便飛去覘坳有墨空
淋浪願師騎之上帝都為問蒼生誰短長鳧眠鶴翫且
莫辨伽那定裏松花香

巖栖仙人歌

彼仙之人與神為謀舒嘯烟霞放浪林丘以六合為指
掌以千歲為春秋瞪霄漢之空碧渺白雲之孤遊踈星
向曙目光烟頰玉映雪肌膚柔方騎閭風謁絳闕又采
瑤草過滄洲仙之人兮欲擅一壑美匪遲徊兮此淹留
傍置素琴不復鼓得非與世方同憂龍蟠青藜杖花落
綠綺表岸巾不掛壁翠髮風颭正研思慮探道與金
匱石室非難紬想應誤騎斑龍墮謫籍於以輔相聖主
福齊州顛崖蒼生性命懸一縷可但獨樂身夷猶仙之
人兮須為謝安石莫學王子猷謝公廊廟上王郎澗之
幽窮而成仙達卿相君家子房出處真其儔功成拂衣
江海去笛聲尚殷岳陽樓

檳榔木拄杖歌

海南草樹四時綠至剛獨有檳榔木刻作仙人九節杖
昆吾之刀削玄玉吳人沈傳師腹撐書與詩蛩然念我
老贈此珊瑚枝入手豈獨扶持力老蛟雖瘦鐵作脊何
况提攜指爪間玄冥側身避正色朝敲鄰扉看竹去隣
翁指示三歎息此枝曾被猩：攀酒痕尚留枝節間靈
藥結作鷄心杖蠻唾喫成乳花殷老夫方將東入海撐花
柱殘骸謂真宰孰中可有安期在杖頭挑得棗歸來分
餉傳師壽千載

松風吟

昔者谷仙之真人曾謁世皇通明殿：上賜坐言諄：

以為皇王帝霸不殊冬夏秋春紫極雖貴白雲難親翩
然歸卧計籌峰下通玄館日聽松風不異大韶樂自謂
身是葛天民松風晴吹東日上蓬山閣外五采雲霞新
日方西傾月復白松風吹澗壑不著人間一點之埃塵
細而笙竽間奏有餘韻大而海濤怒鼓翻龍鱗真人卧
起食息聽不厭自謂軒轅張樂湘靈鼓瑟同天真有時
雨雪黯慘之寒夜有時花柳明媚之芳辰松風不吹樽
俎淡松風不吹肌骨皺真人於此時漱嚙太和朝玉宸
憾屋松風三日吹不醒安知便以神為馬尻為輪飛度
蓬萊弱水三萬里衆真懽言歸何晚坐吟松花屑粉沾

冠中於今三十五寒暑天根月窟來往長顏：濟：山
中學仙侶或跨鸞鳳驂騏驎辛开范蠡謾師友南郭顏
成誰主賓善聽松風不以耳善御松風不以身真人有
道傳不朽千古萬古無緇磷

自怡歌

緬惟陶隱居高卧松風樓太平晋主特延聘麟鳳肯向
人間遊試詢山中何所樂白雲與我同悠：當時江左
難將作三綱墜地民風媮所以自怡者惟荅白雲盈隴
頭至今稱其高疑是神仙流東吳阿翁貞白齋不逐鞅
掌干王侯國政雖未斲黎氓却懷憂：民之責非預常
布謀所以擺脫世寰聲勢利惟與白雲為伴傳芻豢豈
足適吾口綺綉何以開吾眸淡然白雲相近處那知倚
門骯髒風馬牛熟熬翻餅紫纈賂方州車輪括頸宰執
圖小秋周為蝴蝶：為周天下之樂莫若怡雲優箇中
誰覺察身心亦相讐好如司馬之獨樂知者良寡昧者
稠吾聆此語奚翅鈞天廣樂鉞琳球老髮雪種：戒得
當自脩便欲陪杖屨與雲同去留山中自怡者慨然許
識此意否慨然許識此意否

悲歌一首寄呈劉學齋相執王可矩張德昭二

尚書周雪坡大監王本中經歷貢吉甫司業

宇文子貞助教危太朴待制貢泰甫授經陳
元禮孝廉列位

天星曾照遂昌山人家隱約木石巖巖間貞元丞相有
支裔避地東入浙甘與猿猴麋鹿老死不復還五季閩
王鄭光祿至今拱木斬伐後尚爾青珊：使不念鄉井
俯仰應厚顏其如貧病日零落每企予望涕泣長潛：
僑吳三十載惟餘此心在豈惟讀書老無成但覺出門
俱有礙三兒兩病一凡劣四體三完百崩敗貸粟方炊
薪水艱僦屋屢遷家具壞文章出售有誰收書籍縱沽
無可賣此心獨存何所似夜：長虹發光恠青雲故人
祿萬鍾不割少許裨飢窮忍令江南秋雨夜頽垣腐草
啼寒蛩

李遵道海岳圖

李黃岩踈眉瘦體滿臆秋蘄：似厭分符礪谷底折腰
督郵面皺鬚髭：竟騎鯨魚上天去帝憫人間留不住
乃令筆底飛墨如雲霧王維鄭虔本有素早年臨摹米
顛海岳圖黃巖非有顛非無庵空月落山木擁是中疑
有窮猿呼二子風流俱不泯寶月夜：生珊瑚

趙松雪人馬

王孫昔騎天廐驎貌得名駒并圍人義臺路寢風日媿

繡勒錦鞵花柳春吾聞冀北之野每以穀量馬駿骨千
金古來寡世皇騎之一天下鞭笞四海入囊蹄億兆俯
伏聽鳴嘶如何頻年頓失之對盡令人雙淚垂

黃公望山水

姬虞山黃大癡鵲衣垢面白髮垂憤投南山或鼓袒楊
勇飢驅東閣肯為兒女資不憚北遊行萬里歸來畫山
復畫水荆關復生亦退避獨有北苑董營丘李放出頭
地差可耳顏仙種木茅公山喜得此卷開心顏句曲千
巖萬壑縱深秀何似卷舒只在咫尺間

活死人窩為番陽胡道玄賦

我嘗夢登天身乘帝青雲下視六合大死人何紛：尸
行鬼走不知醜天跳鬼蹕無由分首戴鬪髀萬兩目腸
縣題奏空孤墳自謂策神智可以奸明君自為調篡組
可以成華文自謂胎旂常可以銘前勳形如枯株心強
活氣如濕灰耳強聞哀哉腥腐窟何以能起羣天孫為
余言此皆不足云累：白骨成飛塵安知中有不死人
眉龐喉結目如電揮呵風雨走百神塌額玉陛下自稱
小兆臣：之形骸與眾等久斷葷血腐肉皺言臣不死
誠謬妄固有不死丹元君丹元君在何處泥丸真人且
延駐一曲鸞笙五百年死人窩裡翻身去

送性僧遊徑山

憶昔苔溪登逕山童孩識空躋攀但見五峯削玉倚無
天外魚聞衆木夏樂下雲間振威何人唱石裂行脚有
僧挑月還神龍依禪井水立杜鵑啼血春花殷孤烟中
分白窈窕一雨忽洗青蘄顏何時復至舊遊處行蹤應
有蒼苔斑願從師去不可得起看蘿月空彎：

雪巢

太古有積雪不在西蜀西：蜀之西雪山遠斷冰千仞
難攀躋豈如界溪之上肅侯宇虛室生白皦於楮正猶
積雪太古前表裏空明湛中處其處其誰世寡儔純淨
不涅緇塵羞素履恒因積後見冰潢夜轉銀潢流遂疑
巢居葛天氏不在木末并山頭三台惜明啓牖戶九霄
排雲達遙路吳天月明日將曙銅盤盛得金莖露借問
脩梁初舉時見者喜氣盈眉芝巢成定產九苞鳳我老
為賦卷阿詩

陳履元畫玉山草堂

故人陳孟公辭如春雲氣如虹畫法師海嶽山如騫鵬
樹如龍騎箕上天二十載有子黠鼻畫極工驚蛟噓雲
海浪白離鸞照水岩花紅皺鱗張鬢聳鬱澗底松中有
一泓幽人宮石牀支頤睨飛瀑意遠欲托冥飛鴻我欲

從之不可得青山萬疊金芙蓉

趙松雪畫馬

地用莫如馬壺頭竟何施寒風善相不假式何必郭家
口齒謝家鬻神駒龍變如何按式取譬之圖面八駿令
人唾君不見房星精飛光夜流拽練明漢家都廐盡凡
骨異之北土龍方生兒能引弓射鳥鼠便解騎過宛王
城玉堂學士親眼見貌得風蹄燿流電山人半世只步
行髀肉何曾識鞍韉。每。作詩題馬圖千金駿骨世
所無人間空費粉墨摹玄黃此真成誣壯

高房山墨竹

高侯胸中渭川之千畝家居房山未必有如何文章政
事之暇日能為此君圖不朽想當飛墨時蒼龍投硯池
山雨急洗琅玕節海月靜照珊瑚枝自候騎箕上天去
浮世茫茫水東注千秋萬古房山雲載拜為侯賦墨君

倪元鎮古木竹石

雲林子外生死解內敬為天使帶經而鋤倦即休亦復
拈筆為林立樹枝鱗皴崖石幽若有人兮在空谷招之
不來兮雲慘瘁以令人愁

沈仲說畫樹石

風流沈傅師浩蕩江海姿默菴豈誠默開口譚書詩興

來捉筆畫樹石溪深岸高浪波白毫端無非篆籀法折
鐵中卽此其式世人貴耳賤目者於此却令三嘆息

嵇康柳下鍛圖

何所聞而來不妨柳下鍛何所見而去魏鼎不復爨哀
哉志士千古心有鎚弗鍛躍冶金

江鄉捕魚圖

人言東坡謫居海上時顧見漁釣之家樂嬉：問其生
涯烟波萬頃舟一葉問其日給鰕鱗小鱸日三炊有時
大魚入網卽沽酒有時順風張帆卽解維不知朝廷尊
嚴百官側枕聽鷄起不知行役戴星出入世途愁險歎
蓬窓勦：子女睡竹笛鳴：朝暮吹坡聞其言慘不樂
我身何憂有恒百罹瘴海南浮天接水家鄉往：夢見
之何如此漢者生不觸禍機簾衣糲飯既飽煖高蓋大
馬空奔馳我觀此圖重歎息無乃有似坡翁所見畫入
無聲詩金緋貴官一射獵漢釣江湖勞夢思投毫寫圖
意可見一舸秋風雙鬢絲

倚吳集卷之三

僑吳集卷之四

遂昌鄭元祐明德著

五言律

送峽州何學正

夜雨西陵樹春風燕喜亭
學官資裁正士類仰儀刑
天險開三峽人心繫六經
哀猿月中嘯莫作異鄉聽

送泉州蒙古學正

王制嚴心畫臣工重古人
朝廷政典大嶺海學宮新
番舶檳榔唾郵籤荔子塵
方言若翻譯誰與計偕陳

送白主簿

牢落慈湖館於今二百年
間居仍憫已解易尚成編
吾

道軋坤大斯文日月懸何時甬東路入邑拜前賢
簿領慈溪縣遙知傍海澹焚波官賦急扶犢野農淳船
發帆措曉烟明島嶼春每嫌鳳栖棘只尺是青旻

次韻虞學士贈趙伯容

王孫有仙骨夢斷鬱輪袍候火溫丹竈吹笙醉碧桃烏
母雙蓬鬢鶴雛五色毛人間既醒腐青海樂游翱

寄張宣慰

此老懸車日顏丹髮尚玄由來行樂處須及未衰年今
子工為政諸孫雅尚賢固應歌舞地長見月初圓

貞逸處士

處士生無字端居代有人飛書表貞逸閉戶樂清真生
意萱花曉思光棣萼春懸知束帛聘側席待天民

送陸秀才

出鼓江湖柁來餐杞菊苗道方行沃壤舟已門歸潮水
浦魚初上春城雪未消思君好溪水鄉夢夜迢

義興岳夫人輓歌詞

道豈汙除易身由潔素全栢舟凌黑浪蓬首戴黃天木
拱終同穴蘭推不異阡何人紀貞烈留取姓名傳

朱澤民畫

窈窕溪橋路陰森楓樹林岸隨青嶂轉家在白雲深畫

史分明意山人去住心勞形何日已於此欲投簪

贈永嘉高生

高生永嘉秀：也實南金學啟麟經祕雖生鳳穴深浪
花迎客掉霜葉變楓林異日魏科掇秋期又盍簪

送范山長

曉色馮公嶺春風慶朔堂親庭白雲外書院碧山傍
雀啄飛花柳鳩鳴結椹桑詩書有世澤簪笏繼朝行

崑山石

崑岡曾蘊玉此石尚函輝龍伯珠璣服仙靈薜荔衣一
泓天景動九節澗苗肥閱世忘吾老蒼寒意未違

虞侍講書乃祖丞相雍公誅蚊賦

父作更生靈兒為命世英西州覩威鳳南國剪長鯨不
厭朝廷小終扶日月明誅蚊賦重錄妙墨冠時名

徐良夫耕漁軒遊題

幽館夏初度清林暑氣中開軒對流水坐石待熏風花
落烏巾側烏啼山几空畊漁者誰子散髮奏絲桐

次韻宋春卿

閒貴堂前路於今二十年美人黃後廢址綠蕪邊顧土
我知何已唯公獨歸然春風吹杖屨猶復侍周旋

輓章德懋

博士衫纔綠書生髮已皓艱難奈行李契濶動哀歌疊
笏林仍在臨池墨尚多卹公有世澤春水洞庭波

贈薛相士

子有唐生術誰如范叔寒知無狼顧骨可有鷓皮冠野
日情猶嬾春泥曉未乾多君遠相顧不用畫仄看

送何景文

卽國推何武江湖老鄭虔世儒方蘊籍詩律尚清妍宰
相才難得文章妙莫傳歸耕釣臺畔早寄白雲篇

鍊雪軒

誰煉紅爐雪晴雲戲面旋六花吹作乳兩腋欲成仙蒼
壁龍鱗舞松花蠓眼圓如何嚮白石一味舌頭禪

排律

飛龍亭

先帝潛龍日幽人待鶴時青山頻望幸琳館暫來娛寶
篆黃金鼎恩波白玉卮天開六朝地花發萬年枝閃
前星夜汪：湛露私遠符天曆鳳先協石龕龜稽古開
廷閣繡經出講帷方蒙宣室召忽抱鼎湖悲舊卽梅花
落新亭柳綠垂至今思沛感時或下雲旂

送徐山長勉之赴慈湖

見說慈溪縣先民有學宮心源推自得已易竟誰通論

道非人異朝宗到海同朝憲梅蕊白夜館燭花紅遵渚
三更鴈吟秋四壁蛩橫經山色裏覓句雨聲中官况總
何冷詞場筆最工棘園還待子金榜日華東

送李舉人克明任教職

職教同時雨卽官等列星吳區都水監閩國道山亭兩
地頭逾白諸公眼為青身名金玉質文采鳳皇翎鼓柝
辭江卽携書出漢廷河山秋蕭蕭宮闕曉冥冥夜月鴻
遵渚秋風馬在坵李嶠初夢筆劉向老傳經撲棧材千
尺青莪翠一庭天邊期中鵠囊底任枯螢歸路梅花發
長歌為子聽

送嵇洞玄鍊師雲遊

已躡東遊屩還乘上海槎尋真度弱水招子飯胡麻少
廣蒼精佩雙成綠髻髮娛遊芝作蓋服食棗如瓜鼉采
觀初日神虛茹幼霞玉笙宵度曲金匱夙抽芽遂把東
皇袂來朝阿母家初平羊已化中散燕空爬劍蝕維仍
結尊空石漫窪歸期定何日夜夜卜燈花

輓錢翼之

字法勤書史年勞起校官如何管城子竟老鴟皮冠句
積詩囊重心投酒尊寬刻深吳下石名藹楚鄉蘭梅福
身垂老虞翻骨未寒佳况繼述作留與後人看

輓虞彦高

苔水橫經日長洲莞庫時玄霞散髭鬣白雪吐言詞自
分儒紳拙寧知委吏卑袖籠生物手笏拄看山願返老
梁溪滙懸車錫麓陞溫言恒侃：孺樂更怡：竹色賓
階潤花陰戶屨移入閩求古刻踰浙致名師夜雨連書
屋春風動講帷扣舷吳子國鬻茗李紳祠政以孤踪淡
誰令二豎持古心空似月哀髮已如絲白日誠難挽皇
天不憖遺士林紛雨泣絮酒諒神知丹旄霜風慘青林
磴道危可無千字誄因賦八哀詩

送劉廷美待聘

文皇南面日劉楚北海時抗疏三公府高名四海知近
臣推得士公論果無私坐置昌平策歸尋后土祠仲容
為姪好王述豈人癡驥子難籠絡鷓鴣足羽儀氣紆商
女怨賦解洛神悲淮左辭攀桂裔顏罷茹芝長裾今已
曳好爵固應縻送子難為別西門折柳枝

送楊季常山長

揚子談經處吳公學道祠宮牆紅靡靡庭篠綠差差演
迤詩書澤冲融雨露私草玄心獨苦稽古力難禪二載
平生學諸生去後思簡書猶用試匠石詎能遺霧豹方
深隱雲鵬豈後時會看清白吏勲業著常旂

輓潘祥卿

已佩官箴肅人推吏議精筆鋒迴雅道經術讞疑情孝
悌居無忝公廉志夙成家移山郭住祿代石田畊晚謝
蕪湖幕思留檣李城湖山容佚老蓬藿足逃名藉草拋
書卷看雲把酒觥陽坡秋種菊畫舫夜彈箏既已忘榮
辱方知外死生嶢嶢墓頭石百世保麻貞

劉母丁夫人輓詞

忠養兒能孝居官不患貧長言遠遊客兼是未亡人主
績機恒紡尸養饌必親課孫禪缺學為子款佳賓蓮幙
方圖養容城忽返真兩離悲塌翼諸友為沾巾淚斷枯
魚索愁凝繡鴟茵佳城瘞何日瞻望極酸辛

七言律

奉柳太常道傳

烏蜀先生雙鬢絲萼鱸江上故園思水光閃：金壺墨
石理磴：玉佩辭水落魚龍秋不雨月明烏鵲夜無枝
名山早選藏書穴起取蒲輪未召時

送貢司業泰甫

代祀躬趨黃木灣歸朝仍綴紫宸班識高京兆囊封後
道在河汾戶屢間迎日講筵瞻鳳宸顧天經術動龍顏
異時歸窆藏書穴好在南湖疊嶂山

送秦魚善總兵

大帥接船過剡東軍聲肅：峭寒中令嚴虎帳中天日
威息鯨波萬里風蠻徼盡驚戎虺白極南遙湧壽星紅
道山宮闕多仙聖預啟瑤編錄雋功

寄雲南蕭元帥

南望元戎玉帳寒炎：挂海息狂瀾牽獅入貢金連索
騎象來朝蜀織鞍丞相渡瀘先鬢白將軍標柱獨心丹
春波涸盡思霖雨箕畢星纏夜：看

送許具瞻進士

純孝淵：許子將身遷父樞脫烟煬遂登龍虎黃金榜
便縮鸞鸞紫荷葉裏山水窟中民訟簡弦歌聲裏晝陰長
聖朝南面求賢切佇見才名上廟堂

寄潘子素文學

與子同庚命不同悠：江海異窮通潛鱗易借風雲力
朽枿難論雨露功欲進老人圯上履可孤焦尾嶧陽桐
河陽縣裏花千樹不借孤芳一朵紅

次韻顧仁夫得代

君房未歷金華省潘岳猶居散騎營秋水紅蓮能自採
春愁白髮為誰生夢驚里閤三年別歸載圖書一舸輕
野老淒涼遲吾去更誰虛左日相迎

次韻贈完顏子中

紫詰黃麻疊縮歸棣花香裏拜庭闈聖經教子無金埒
憲節傳家有繡衣佳句易增詩篋重故人難會酒行稀
願從菰米鱸魚國醉把黃花莫暫違

寄楊士可檢巡

驚邏深山行夕嵐日嚴笳鼓罷幽探坐中拄笏知非擺
馬上彎弓想漸諳桃葉長年思共渡菊英何日采盈甌
揚雄千柱華懷宅只在輝：北斗南

蔡孝子廬墓

三十六峯雲氣深墓廬何處得相尋青山當戶哀：哭
白日孤光黯：沉馴虎欲嘯風落石棲鳥不定月穿林
三年泣血誰相問灑：寒泉澗下音

錢道士遊仙

綠髮飄蕭禮上玄明星遙隔絳河邊香消楚澤春風佩
愁入湘城夜雨弦素手不將條脫贈綺疏惟把步虛編
西城峯頂飛霞觀小駐鸞笙五百年

栖碧亭為華幼武賦

華家池館堠山南但見喬木翠氍毹金波影裏魚鱗屋
玉佩聲中麈尾譚黃漲麥雲連町疇紅飛花雨撲烟嵐
漁郎一別桃源路回首春風雪滿簪

芸齋

博士齋居芸草香青編不復蠹魚傷能窮腹裏書三篋
敢望身前笏滿床雨屋篝燈驚鶴夢月窓展卷淡螢光
孔門體用平生學綠髮應須佐世康

園隱

麻姑山下地仙家諼草春深賸着花雌雉逐雌催刈麥
鳴鳩呼雨課鋤瓜放歌不厭牛親餽對客何妨蠶屨爬
一夜南坡雷雨作竹萌迸地蕨抽芽

宣城姚秀才棄舉業為道士於昇州

娟娟月出敬亭山曾照書聲竹樹間淡墨何須題雁塔

扁舟先已過龍灣仙人觀闕雲端見帝子笙簫月下還
水驛花開笑相問澹波誰似白鷗閒

至元丁丑夏五宣城汪叔敬吳人十壽道丹丘

柯敬仲國人泰兼善同僕遊天平次往靈巖
有作奉和二首

西望層巒草木青魏公祠下拜儀刑經綸有策迴天地
憂樂無時忘闕庭異代蒸嘗遵典禮故山香火下神靈
浮雲變滅知何在閒聽松風語塔鈴

右天平魏公祠

吳王宮闕草萋萋飛閣重登意轉迷洗硯池邊雲欲暝
拜郊臺上日平西湖涵遠浪千帆沒樹響悲風一鷓棲

江海鷓夷拉不返荒烟野水鷓鴣啼

右靈岩涵空閣

送樂昂儀歸東平

岱宗高入帝青寒策馬東歸不厭看一變便興周禮樂
西生那識漢衣冠雨休樹下碑仍在雲起封中玉未刊
更上靈光殿基望冥：鴻鵠有脩翰

送季山甫慈湖教諭

季子揚舲之甬東慈湖應與暮潮通脈吹野岸楊花白
鳩食桑林椹子紅遺老應傳義易說先民誰繼日鈔功
東吳寓叟頭全白日送孤雲沒斷鴻

和宇文子貞見寄

別來見話幽人屋比去當扶野老節涇底魚肥春欲上
墻陰薺嫩雪猶封齋庖不輟頻炊釜山屐應留屢舞蹤
他日孫依外家學書籤題墨寫教濃

送林道士歸溫

鴈蕩行雲生翠微東還行李正騑：松矜日老當秋發
鶴養鵝成待客歸珠斗影寒璫玉璫繡雲香積紫烟衣
懸知夜禮虛皇罷宴坐朝元意不違

遊嘉定道院

芙蓉洲上集仙宮環珮聲聞縹緲中桂閣吹香天樂下
稻田疏脉海潮通呼龍起鳳迎初日跨鶴歸來御晚風

大藥已成金鼎墜丹光猶得兆年豐

春寒

春寒峭：過玉師却出南門送鼓旗嶺海鯨鯢就誅日
江湖鴻鴈欲歸時參差帆葉開溪舫顛倒梅花落硯池
多病杜陵頭白盡每因送客賦新詩

送葛奏差赴閩

天子分符鎮七閩元戎建旆拂三辰荔枝蜂采千崖蜜
榕樹鶯啼二月春吏署看山時拄笏使鞞飛鞚不驚塵
南來勾漏丹砂訣定愛溪邊白鹿馴

廬山圖

潯陽郭裏望廬山日出千峯紫翠間烟樹近同蠻井絡
風帆遙認楚鄉閩匡仙抱鶴巖頭放李白騎鯨海上還
却向畫圖求彷彿菖蒲花老石苔斑

題程國表妻墓碣

太末溪頭送夫婿祝即戰勝早歸來龍光暫漏金閨籍
鸞影先分玉鏡臺兒女淚痕宵泣血杯園口澤歲興哀
它年墓道焚黃日銘碣悲涼首重迴

陳母張安人輓辭

延陵陳母具柔慈訓名成名髮亦絲樓護起家元自蚤
馮勤補衮不嫌遲昔甘每却熬波味燕饗長懷剪髮思

未拜恩封先已歿後來肝表有餘悲

挽楊九玄

虎丘山下有孤墳曾識譚經揚子雲
夢落江湖仍聽雨魂歸泉壤亦修文
家山路遠聽猿淚書傳香留辟蠹芸
况有佳兒能力學草玄猶足繼前聞

賓月樓

最愛香山賓月樓清光全得太湖秋
魚龍出向初筵舞蟾兔來從上客遊
凝閣綠苔須士賦委波金鏡屬誰收
江山千古才情在牛渚何人獨獻酬

知音亭

亭院日長深復深高山流水思愔愔
曲中別鶴啼清怨樹底薰風養綠陰
激楚忽聞機裂帛懷人又見冶鎔金
能言萬籟無南郭隱几形閒孰賞音

聽雨樓

每愛滄江聽雨眠不應愁絕似今年
建瓴長恐崩高屋鍊石徒聞補漏天
響入北廊葭亂濕增傍壁薜蘿牽
白頭倦客孤篷底尚想躬耕有石田

趙季文茶屋

蕭：茶屋傍池開謾：叢筠帶雨栽
窓雪曉晴鷄誤唱炊烟帶暝鶴歸來
醉猶燒燭親黃卷靜愛飛花點綠苔

尊酒久違真寂寞，鷓鴣啼上越王臺。

薛玄卿鶴齋

君家少保已登雲，留得青田貌後真。
烏母督仙須顯駕，羽車驟乘必長人。
聽經香案孤撐雪，啄菌瑤塔每遇春。
遲子吹笙明月下，丹砂乞與頂頭巾。

次韻寄顏元卿院判

酒盡空懸蘸甲瓢，一燈孤館夜寥寥。
馬寒猶下滄洲宿，地暖何由重霧消。
長笛一聲推趙嘏，袞衣三世屬文饒。
看君早晚摩天翼，瞥爾青雲萬里遙。

寄秦兼善總制

征鳳鮮于專節制，戮鯨王式任偏裨。
長江謾擊中流楫，落日方懸大將旗。
夜泣寒機菱擲緯，朝粧明鏡女揚眉。
丈夫身在難乾沒，三秀煌煌是紫芝。

和吳宗師寄張貞居

齋老堂前烟樹空，真人錫類坐神宮。
一鱸今賚高年帛，重壤驚迴禿髮翁。
琳館花殘春欲雨，石壇松老夜多風。
遙思問道崆峒處，都在衡尊盞盞中。

和薩天錫留別張貞居寄倪元鎮

梁溪歲暮若為情，溪上梅花待曉晴。
逕雪冷埋山屐齒，簷冰夜墮石床聲。
內篇携向松根讀，如意持將竹裏行。

短晷何能理幽事南窓剪燭話寒更

次韻薛真人賀吳宗師壽辰

臣工袒割紫鱗肪辭藻輝飛白玉堂五色雲中扶日轂
九霞盃裏酌天醬又從禹範開皇極重拾堯莫紀咸陽
古桂長承新雨露綿根抵發天香

壽春官達郎中

清油幕下紫薇開身總群網擬上台桂海已聞京觀築
越裳還見貢琛來詩書未與秋搖落刀尺難從世剝裁
廊廟棟梁須致用貞松合抱是良材

次韻王李野北歸

黑髮黃髯萬里歸腰如開國待犀圍樓前花似琴臺發
江上魚如丙穴肥蠻井遠民茶稅急槐陰燕席酒觥飛
名勲莫負傳家笏只尺青雲立繡衣
公子承恩日下歸小山堂上錦香圍百壺寫淶方論醉
五鼎燂肪不厭肥聽瑟池魚衝浪出寄書籠鶴傍雲飛
茜袍色映輕裘好為是夫人手製衣

歲暮感事

歲除風雪苦陰寒民庶逋租悉繫官破蕩未充狼虎欲
係累只作馬牛看何人肯破陽城械有客空彈貢禹冠
上力已窮民力殫腐儒頭白淚闌干

僑吳集卷之四

僑吳集卷之五

遂昌鄭元祐明德著

七言律

范魏公祠

白雲鄉裏魏公祠翼，烝嘗薦奠時功益百年書史載
道求千古聖賢知山侵虎穴盤風磴石拔鯨牙挿羽旗
更上高亭望城邑義田秋實止離：

龍門

龍門窄窄倚天開點額神魚幾度來雲起區中成五色
星從闕角見三台更無鐵限唾山鬼可有金鋪上石苔
李范黨同勲業異御車千古意悠哉

天池

立石如雲不待鞭兀臨池水看青天
下潛靈物疑無底傍溉山蹊似有年
刺水翠苗霜後在舞風珠樹月中懸
太湖萬頃應凡濁閱此泓渟一勺泉

寄鄭長卿

吾宗自昔有升沉况復姬嬴遠至今
世訝孫枝發枯蘖人推祖德返遺金
竊頭未必雲縈佩谷口何嫌雪滿簪
自恨衰年多病苦藥囊時乞細探尋

壽李庶使

立秋三日是生申督餼功高海若馴
金節已懸岩下電繡衣仍應日邊春
又從隸古森波磔復心向源揖聖神
野老願留吳下住一新漕政答鴻鈞

寄干彥成高士

文鋒久淬鷓鴣膏鞍甲藏身百戰塵
王簿宅前春載酒李紳祠下醉揮毫
鄉閭未覺東林遠光燄終如北斗高
儒老感君難報稱黃金隨力鑄帝臬

送却遵道北歸

汴河千里鴈南飛吳下孤颿又北歸
竹素殘編無世味崩緹孤劍有星輝
宮堯使節弓旌近迤邐神州草木稀
想見瓊軒恭對日黃金臺上雪霏霏

次韻劉憲副春日湖上有感四首

庾信哀多賦漫成江南文物久晨星市衢火後萬橫目
民舍春來草滿庭浪嚙湖堤官柳盡沙填江浦夜潮腥
歸來何異遼東鶴只有西山慰眼青

湖水西邊舊是家春風遠屋種梅花傳聞故老談前日
愛教仙人服幻霞鶴老離巢松化石鸞照水竹穿沙孤

只今重到經行處憔悴蕭郎兩鬢華

潮落空城誰重過猶餘里耳聽鳴珂襄陽耆舊知誰在

江左風流不厭多自見石麟眠枳棘長聞蜀魄叫松蘿

野梅開盡西湖雪萬斛春愁奈爾何

湖水荒寒食天相逢猶話國初年紅樓夜唱花間席

翠管春吹月下船玄圃自應留富麗湘雲誰為惜清妍

可憐白頭歸來日井邑淒涼藹白煙

次韻錢百行遊仙

海定初風湛綠羅仙人詞藻寄來多貫珠音在雲誰道
瑤玉文成手自磨霄漢畫橋嘗有會崑崙黃竹漫成歌
可憐人世書裙手池上猶籠道士鵝

送章心遠道士入閩

風日晴縹揚柳青翩然獨鶴過南溟山中每憶羅公遠
海上重逢武達靈榕葉擁雲山似簇螭房烹玉酒初醒

小冠子夏如相問為道窮愁老一經

送劉宗師入覲次虞學士韻

羽輪暫別大茅峰又御青冥萬里風月披引朝宣德殿
雲韶賜宴集靈宮懸知漢室龍顏主似見商岩鶴髮翁
便使圖形在麟閣閒心只愛白雲中

送劉年基高士還江東兼東張一無

劍寒秋水客東歸堂上慈親白髮稀櫺具定無瑞玉璫
綫痕猶是紫烟衣蜂營崖窠花爭發鹿養春茸蕨正肥
自古山林有甘脆何妨物色報春暉
為門江東張道士著書還了致桑扁江湖冷落耆君老
雲漢昭回象帝先芋火夜煨霜後葉菜庖朝汲澗中泉
相依共住知何日孤鶴東還意惘然

寄貞居張儒仙

露冷玄洲草木疎硯泉分得磻循除鉤題石記脩人表
筆削山經作志書丹鼎曉溫松節酒茗甌春點菊苗蘊
殘骸若有登真分亦欲西遊候羽車

簡張仲舉待制

宵占兩使星東川后迎恩啓闕宮海上天燈懸寶月
帷中神語颯冷風雲團芝蓋香烟直春入衢尊酒味同
况是詞臣工致祝鯨波永息歲恒豐

送錢思復之東嘉

校官東上斗城時水落高灘舟楫遲造化縱憑脩月斧
文章須是表忠碑齋庖近畫空彈缺詩說窮源屢解願
來歲秋闈戰仍捷桂林折取最高枝

贈柯敬仲次王止善韻

楚天鴻鴈白雲秋歸卧滄江看水流莫問湘纍王子宿
且同新息賈胡留山林不返趨朝夢道路難為築室謀
莫遣虹光貫明月眠波帖下有沙鷗

喜雪寄達監司次壽道韻

去年南國暖如蒸歲盡猶多撲綠蠅直恐蛇神司有厲
可須麟筆紀無冰元勳復相調金鉉稔歲恒占應玉繩
佇聽賡歌繼幽雅萬年枝上日東升
正自風流歌白雪何須辛苦賦青蠅成章霧豹方依穴
鼓柁神魚欲上冰劍具寒侵瑞玉璫宮懸凍直綵絨繩
枯鱗望活西江水涸轍何因有斗升

釣月

篔簹竹裁竿拂帝青山河影裏夜亭坐
坐乾草際沾衣露掣得波間在留星
巨牯可應投貝闕長絲便欲繫天經
清光照徹蟠溪叟方看霓裳舞廣庭

梧桐月

露下秋陰洗夜光
輓轡哀響度銀床
蒼龍出井獻沉璧
青女抱琴彈履霜
鵲遠暗知何漢
近鳳栖明見羽毛
張寶釵擊罷宮娥老
一曲霓裳淚教行

送李秀才歸越

躡屩東歸度浙河
越山無教綰青螺
森：南國春秋學
媯：西風子夜歌
潮湧月輪丹桂近
山環親舍白雲多
明年春捷靈光殿
遠聽鳴駒駐玉珂

贈朱君復秀士

松陵驛裏雨騷：剪拂誰甄汗馬勞
扁石呼兒朝授簡
踈櫺啓快夜焚膏
不因聖藥無熊膽
每為神山有鳳毛

老我江湖讀書眼
會看攀桂月輪高

送白治中之徽州

高下溪聲三百灘
好山高入帝青寒
雄藩擇牧金投冶
別駕行春錦覆鞍
茶焙香銷芽尚採
硯坑雲冷石仍利
殘民久望詩書澤
闕里遺編墨未乾

輓順義貞惠公

朔漢人豪貞惠公
策勲元自不酬功
自從虎旅平南服
眼見龍旂捲北風
庭有芝蘭更種植
老登槐棘保初終
只今太史脩臣傳
庶有幽光發闕宮

次韻吳宗師題大滌洞即師房

一菴閒地足神仙能駐人間大小年赤鯀夜飛丹井月
紫鸞春步木苗田山經我欲紬金匱畫漏時聞滴寶蓮
便駕廳輪上天柱不辭身倚帝青邊

寄宛丘趙祭酒

當陽聖主重師臣妙選儒宗贊大鈞神格西靡變典樂
名高北斗愈垂紳金繩若組編珠貝瑤草紆花毓鳳麟
老我釣輪江海上烟波空愛白鷗馴

題海運省官卷

省幙分賢佐上台參謨瀕仗出群材九年鵬翼乘雲上
萬斛龍驤破浪開已見清風生白簡便朝紅日詣金臺
羨哉王度閔元化政藉群公翊戴來

謝劉廷幹漕使饋肉

瑣屑魚蝦不厭腥驚馬聞一轡到齋局齋腸久斷聞韶味
蒿目愁看在留星跋履尚圖兕致養解頤空對客談經
西風峭急江湖晚何處充飢有楚評

王介齋參政輓辭

甘棠港口咽寒潮帝促明公黼袞朝已有旂常昭日月
却騎箕尾上雲霄北風吸歎年華盡南國淒涼士氣銷
便欲一為天下慟英魂不用楚詞招

題鍾紹京書靈飛經

匣裏鍾郎六甲經虹光夜、射天星使來海上持龍節
駕下雲端拾鳳領金母度辭黃帝錄玉真按筆紫皇聽
玉真睿宗第四女
為女冠監書此經勤脩苦煉資輕舉濯足明河上九青

簡金伯祥高士

瞻雲西邁思悠然過雨群峯紫翠連
兕子幼書能繼業羽人接袂且談玄
可無海上安期棗更有山頭太華蓮
便駕颺輪脫塵網劫灰不到鬱藍天

贈張月庭道士

為愛中庭月一方坐看河漢轉蒼蒼
山河影在無圓缺漏刻聲中有短長
靈藥杵風金兔伏桂花霏雪綵鸞翔

廣寒原是棲真地歌引霓裳入夢鄉醉

次倪元鎮韻寄剛中

縹緲陳王湖裏寺琮瑋鄭老竹間棋
每因海月參心鏡却笑茶烟裊髮絲
墨漬尚噴龍尾滑酒酣方憶虎頭癡
論文未極終宵話且讓韓山一片碑

和潘子素宿倪元鎮宅送張貞居還茆山

扣舷溪子發陽阿落葉霜林見鳥窠
清閣閣前春意早蕭梁臺上月明多
傾瞻鳴鴈稭中散仰視飛鳶馬伏波
對酒息思千古事潘郎刺促為誰歌

杭州即事二首

圖乙轉切音軋
駝聲韓愈詩椎肥
牛呼牟載實駝
鳴圖

瓦礫堆：塞路坳勝遊
巷陌盡蓬蒿
祠宮地卧駝鳴圖
秘殿春局馬
天滕山色無如今
度慘潮頭可似昔時高
王師貴在能安集
豈必兵行血漬刀
往來都是石尤風
身境俱忘逆順同
鏡裏轉增雙髮白
花前仍是小桃紅
莫驚天地軍麾滿
尚喜江湖客棹通
楊柳吹綿春又暮
賦詩愁殺杜陵翁

元宵懷錢唐

武帝親迎太乙神
流光絢煜動星辰
行宮典禮猶存漢
軹道山河已易秦
香逕至今啼木客
露盤無淚泣金人
紅燈幾點東風裏
猶是元宵一度春

送蕭萬戶西歸

將軍旗鼓鎮西州
六詔猖狂一戰收
餘墨朝猶磨楯鼻
重環夜已附刀頭
歸朝却獻王褒頌
去國惟存季子裘
醉裏相逢歌按劍
滄江斜日水悠悠

和成居竹寄張天民

白骨自應無葬地
青山可復有遺民
何時得返屠羊肆
古廟無慚刺虎人
製錦邑中推令子
聽經池上躍脩鱗
綠雲洞裏遺編在
脩省加工莫厭頻

次韻荅玉山

扁舟不亂白鷗羣
又復移家入水雲
載酒可無人問字

揮毫故有客書裙荒涼漢室銅盤淚剝落周宣石鼓文
猶藉顧循能慰藉江湖冷落見番君

贈岑醫士

經絡多岐脉貫身顛厓性命屬誰伸如生獨得岐黃秘
起死能兼郭華神龍獻古方長繫肘虎巡熟杏不傷人
懸知此道無疵吝花發鶯啼到處春

寄吳江知州于壽道

熙：愛日仰高亭：外天寒渚栢青曉駕朱轡理公事
夜燒銀燭校餘經吹煙白際魚龍國野稻黃鋪鴈鶩汀
三載政成儒術驗玉堂親擢暫須停

送唐學錄歸新安

冷落齋宮薺繞墻歸橈不待渚芹香新炊旋出灘邊碓
澈筍仍懸磧下梁雲氣欲晴山繞屋書聲向曉月窺牀
斯文三世研磨力破硯於今政寶藏

送任學錄歸松江

海邊委却釣鰲竿鼓篋來吳佐學官糾錄盡推經術邃
藏脩不厭客毡寒蓬窓夜聽黃葭雨薺饌朝食若盤
三載賦歸春欲暮柳花如雪暗江干

送毛彥昭歸三衢

載雪曾過太末溪天寒沙石淨無泥碓舂白粲連灘聳

倚吳集卷五
橘墜紅金壓樹低水驛燈明驚見鴈蓬窓酒醒忽聞鷄
龜峯記在君歸讀異日春風聽馬啼

送沈仲說遊杭

錢唐湖上水西頭歷：山人舊釣遊相府猶餘秋水觀
酒旗多掛夕陽樓春喧車馬松間寺夜載笙歌月下舟
見說於今總消歇休文到日重淒愁

石林萬戶輓詞

提師海上截奔鯨玉帳宵寒隕大星錢馬嘶風秋雨暗
天狼啟斧夜潮腥常時仗鉞今傳劍前度平蠻未勒銘
想見城陰練卒處三軍泪洒燒痕青

潘子素翠雨亭

竹梧亭子翠珊：人在空濛煙雨間春暮但聞鶯百轉
秋陰每見鶴孤還且看樹頂遙峯碧莫踏苔花滴露班
如此林居不歸去高情誰與共蕭閒

揚鉄厓新居書畫船亭

草玄心苦思如何艤岸舟輕不動波聽雨夜蓬燒燭短
截雲湘竹噴愁多賦成猶夢橫江鶴書罷應籠沈渚鴉
想見後堂涼月白彭宣腸斷雪兒歌

張伯雨精舍吟

翩：風流江海姿青滿眼空遐思圮橋授書帝者佐山

襄城問道天為師題扇書裙莫相惱傳符繼籙容何辭
願逐西飛白雲去滄江斜日吹參差

復見心豫章山房

豫章拔地即參天突兀山房樟樹邊僧占綠陰開戶牖
境因黃落見山川神機觸破栽培力佛慧看空大小年
一自龍駒踏人後交柯密葉止駢：

趙子期尚書小瀛洲

粉署煌煌閃幼霞道山宮闕宰衡家碧梧每集朝陽鳳
瑞露長滋夜合花風裏枕音聞秦樂秋來星彩驗乘槎
十洲多是神仙宅誰識溪真尚浣紗

題曹松逕家譜

三徑雖荒松尚存東川遺老識清風秋香歲發庭前桂
霞氣朝升屋角暎春雨丘園花結子夜潮溝洫浪留痕
留停戶屨知多少但說師嚴道並尊

雲槎

崑崙河源不易窮靈槎萬里待秋風載雲欲問成都卜
持節知成博望功既犯星辰上天漢盍為霖雨佐年豐
如何旅泊嚴陵里只掛詩囊與釣筒

次韻沈存齋見寄

八詠樓前藻思新白鷗波上竄情親詩盟有喜諸君位

情話無如野老真歷代寶歸金匱鑰重山光吐器車銀
丁寧笠澤烟波上留取珊瑚拂釣綸

送千壽道知州婺源

百灘春水不容舟灘上春紅發小桃龍尾磨雲濡判筆
魚須抽雪映宮袍神杉樹峯鴉啼晚仙舍山深月出高
使節梅花香裏過幼霞初日即岩壑

送楊季民采詩還江西

悲涼南國采詩歸大雅寥々入譜稀白馬尚誰歌有客
繡裳猶自賦無衣離鸞顧影秋彈瑟舞鳳銜梭夜織機
輯錄已成垂世教珊瑚枝上看朝暉

送李秀才鄉舉

秋風又復度宮槐文采何人似爾佳月擁素娥迎學子
桂搖金粟散天街劍光出匣驚時目筆陣翻雲寫壯懷
從此圖南展鵬翼橫飛溟滓泐津涯

輓慎獨陳叔方

詩書世緒傳家久金石交情舉世稀道在人弘不遠復
子依父墓表全歸忍將完璧埋黃壤賴有堅珉立翠微
自恨居貧乏一祭猶憑絮酒哭斜暉

贈張景亮仕回

投老何曾畏簡書青山元不負吾廬魚須久疊牀頭笏

倚身集卷五
馬軌新懸屋角車翠被春寒聽雨睡白頭日午起風流
好官付與諸郎做千古封留意有餘

春遊石湖

越來溪上水澌澌：閒鷺鴦夷棹底風暖霧黃消治平寺
燒痕青入館娃宮笙歌作樂年：少魚鳥閑情處：同
弔古從來易興感尚循華髮繫孤蓬

遊支硎南峯

詞客出尋勝洞庭神僧名跡在支硎馬騎仄徑猶存石
鶴放顛厓尚有亭岩底泉飛輕練白峰頭龕蝕古苔青
到來頓醒紅塵夢萬樹松濤沸紫冥

送方養心遊茅山寄貞居外史

天上仙真騎虎還山中宰相著書閒神明秘典抽金匱
早晚思言下玉闕風燈入雲芒屨冷松花滿地木畦慳
願隨君去携薪水猶得栖遲澗壑間

至正三年癸未冬辜月廿六日貞居由荆溪過
林下留司有三日為寫雲林蕭散圖併賦長句
書其上留別

人間契濶六年餘清夜迎船過隱居寒日當堦散霜雪
踈篁繞壁韻笙竽燒香遂入維摩室振席問研老氏書
久識先生有仙骨莫年服食轉清虛

馬軌新懸屋角車翠被春寒聽雨睡白頭日午起風流
好官付與諸郎做千古封留意有餘

春遊石湖

越來溪上水澌澌閒鷺鴦夷棹底風暖霧黃消治平寺
燒痕青入館娃宮笙歌作樂年少魚鳥閑情處同
弔古從來易興感尚循華髮繫孤蓬

遊支硎南峯

詞客出尋勝洞庭神僧名跡在支硎馬騎仄徑猶存石
鶴放顛厓尚有亭岩底泉飛輕練白峰頭龕蝕古苔青
到來頓醒紅塵夢萬樹松濤沸紫冥

送方養心遊茅山寄貞居外史

天上仙真騎虎還山中宰相著書閒神明秘典抽金匱
早晚思言下玉闕風燈入雲芒屨冷松花滿地木畦慳
願隨君去携薪水猶得栖遲澗壑間

至正三年癸未冬辜月廿六日貞居由荆溪過
林下留旬有三日為寫雲林蕭散圖併賦長句
書其上留別

人間契濶六年餘清夜迎船過隱居寒日當塔散霜雪
踈篁繞壁韻笙竽燒香遂入維摩室振席問研老氏書
久識先生有仙骨莫年服食轉清虛

六月六日初度有感

三十六陂空似昔荷花荷葉待誰看星辰不合躔龍尾
性命何嫌似鼠肝盤石處安心不轉蓼莪纔說泪難乾
晚來惟有墻頭月依舊清輝照鵲冠

嘉潘總戎征南回

萬里乘輶出帝城涉波南海斬奔鯨回轅不困壺中隱
乘棹來尋谷口畊尚可班荆談智畧何嫌拾芥取功名
更吹簫管揚州去莫遣春愁白髮生

送蕭萬戶還蜀

總戎西蜀幾經年從事誰令爾獨賢躍馬莫矜橫槊賦

聞雞不道枕戈眠韜藏寶劍塵生匣受惜琯弓夜死強

歸到閬州三月盡江花如錦照行鞵

百丈牽江詣閬州旌旗擁接舊君侯按行貔虎千巖戍
蹴踏魚龍萬里流奪錦亭園花陣雨離堆記積蘚痕秋
平生謾有相如檄挈手何時作勝遊

次倪元鎮見寄

穴墻薜荔根株懸倒架葡萄藤蔓牽非無洛下先生屋
須得卬州錄事錢鴻鴈天高青不雨鶴鴿沙晚白生煙
松雲隱屋結構未何日書來解榻眠

元鎮画

倪郎作畫如斲冰濁以淨之而獨清溪寒沙瘦既無滓
石剥樹皴能有情珊瑚思從鐵網出瑤草乃向齋房生
譬則飲酒不求醉政自與物無虧成

贈篆刻朱生盛

蝟 螺本字 子刻印如刻秋濤轉摺變化手縱操蝟扁神凝李斯篆
肯綮妙悟庖丁刀漢章舊制螭龜紐魏武新書閎虎韶
太史周南縱留滯劍文仍欲洗金膏

排律

送達魚善秘書

木天高拱夜何其翠被初寒漏更遲上帝錄書藏紫禁
貴神然火出青藜縣知策府稽誦處預想虞廷獻納時
原報函盈茶薺頌湛恩心寫蓼蕭詩豈徒述作矜雄豔
政以都人啟蔽虧國典每濡雙賜筆龍光長發萬年枝
從容寶鼎開金鏡縹緲祥烟度玉墀儒術致君還有道
皇明鑒物本無私廟謨已發群生秘岩穴寧令一士遺
歌詠太平還有日腐儒頭白在茅茨

送吳平章

聖君圖治思黃髮國老除書下紫宸身喜圍腰虹玉重
眼明補袞色絲勻乞言應笑桓榮陋濟美誰如鄭武頻
阿閣近天鳴采鳳恩波澤物到枯鱗錫書每啓金華秘

賜饌時分玉食珍出處豈惟閑世運旬宣何以布皇仁
門人莫惜狂論事馭吏何妨醉吐茵豈但勲名夸眾口
太常旂上是三辰

送林照磨之越

朱甍翼翼小蓬萊秋水芙蓉次第開真宰不遺生物意
叅謀須藉出群材風生幕府文書靜月轉城樓畫角催
唱道莫驚劉寵廟賦詩還上越王臺鑑湖水漲陂間稻
禹穴雲荒石上苔土有茶芽方入貢陵無麥飯孰興哀
齊民懇惻知何已此日登臨亦快哉日脚簫韶天姥下
朝顏旗鼓孝娥來神人驩喜檣風順溪上千帆往復迴

盛氏野秀堂

野秀堂前湖水綠繞湖千嶂列簷阿岸花隔浦飛紅白
林木含風擁翠波酒醒忽持如意舞詩成或擊唾壺歌
絕憐吹絮翻金鯽更愛將雛睡白鷺隣艇卸帆繩搨布
田扉邀飲町畦過裁蘭九畹秋紉佩織錦全機夜度梭
去國娉婷誰共載逃虛放曠自同科摘中儘有商巖樂
奈爾春愁鬢影何

顧氏綠陰亭

顧家亭子綠陰：楊柳菰蒲岸：深鷺下積陂明霽雪
鶯啼藜薄度鎔金涼雲覆地苔粘屐疎雨沾衣露滿襟

傳身集卷五
境曠始知清晝寂舟行忽見白漚沉錦香承宇花如霧
星采當階月在林荷鑊課童栽藥物開窓傍水候楚音
湛癡元自能談易稽鍛何妨善鼓琴况是松醪釀初熟
公餘莫厭客同斟

周左丞玉雪坡

玉雪坡前一色雲更無純白關氤氲春回土脈孤亭在
山掩人家半路分鐵石崢嶸推宋相江湖冷落念番君
調羹佳實花時見歎笛清風海內聞墨積硯坳留鳳味
香飄池上點鷺群商盤久向坑反冷秦篆何曾野火焚
已翼廟謨躋丙魏魚聞戶履有河汾腐儒獨愧身如腊
已老何殊辟壺芸

俞石澗讀易處

先生註易隱南城激石松風荅澗聲式玉式金玉度在
一寒一暑歲功成要參未畫須心悟洞徹羣疑貴理明
蒨屋見星原是晝窠瀛挾柁可無程義精詎忍辭捫舌
樂大何妨枕曲肱雨露每滋庭草綠雲霞不礙曉山橫
成林詎舍千章木求友難忘百轉鶯歲月推遷陳跡在
啟蒙長憶酒同傾

渡江

突起金鰲玉作圍天於設險出神機衆流不息朝宗意

元氣常浮落日輝，雲葉暗吹神女佩。
浪花應濕定僧衣，魚龍不礙中流舞。
鴻鴈能忘北首歸，桃葉翠顰揚子渡。
麥苗青茁蒜山磯，不因慷慨投鞭衆。
自是艱危擊節稀，搃會華夷民阜祿。
分征玉帛使舟飛，射蚊人去空英傑。
化鶴仙來嘆是非，西日柁樓仍浩漭。
南冠鬢髮故依依，書生閔戶堪終老。
跋涉何勞與命違。

書畫舫小集分韻得春字

有序

雪舫夜寒虹貫日，溪亭臘盡柳含春。
將軍結髮開全武，隱者逃名愧子真。
醉裏却忘詩格峻，燈前但愛酒盃頻。
笔羹青點沿牆薺，斫鱸冰飛出網鱗。
稽古尚能窺草聖，送窮端欲致錢神。
周南老去文章在，同谷歌終手脚竣。
獨驚歸來還自笑，聞鷄起舞意誰嗔。
盍簪豈料有今夕，明日桃源又問津。

橘隱為秦文仲賦

橘熟曾登隱者堂，傲霜林薄爛青黃。
花時吐蕊珠成斛，叢晚抽條閔綠房。
千樹君封培植大，慈闈母老孝思長。
療疴欲得蘇家井，受命難遷屈子鄉。
自以辟人甘葭落，誰令登俎薦芬芳。
苞緘萬里深隨貢，御宴群臣手擘嘗。
霜落洞庭天宿，根盤林屋野蒼蒼。
齋廬並海詩吟處，露雨氤氳著紙香。

蘇文仲
橘隱
秦文仲
賦

傳集卷五

寄楊彥遠隱君

子雲家在讓王村昆弟三人行最尊勝槩不煩多屋宇
醉鄉元自有乾坤蒙天錫福身長健與物為春道自存
瑞玉墜枝桃結子翠幢羅蓋竹生孫按歌親製縈雲曲
教舞長開待月軒藝足稻田青雨潑睡濃薇帳錦香溫
不於野隱慚雌伏政以朝趨怯駿奔比跡梁鴻脫塵網
追踪巢父洗心源佛香梵筭還投老取次毗邪不二門

輓牟縣尸

誰繼清忠最老成常卷頭白氣崢嶸平生學術尊劉向
少日聲名益賈生製錦老為溪上色橫金晚致幙中評
高懷直欲吞餘子爽氣何堪發九京絮酒益興霜露感
書題重積死生情羊曇慟哭青山路宿草萋々夕照明

送銛仲剛遊金陵

銛納來從日本東說法親曾授老龍珠樹摘花抽藻思
金膏瀦水淬神鋒玄機不發空中鎬信器應傳雨裏春
暫玩一輪吳渚月便依千尺定林松江光宛似玻璃合
山色依然翠黛重寒水但餘鷗泛々荒臺無復空比擬
城樓月上忽聞鐘

卷之五

僑吳集卷之五 終

僑吳集卷之五